

CONVENIO DE COOPERACIÓN EDUCATIVA ENTRE A CONSELLERÍA DE CULTURA, LINGUA E XUVENTUDE E A UNIVERSIDADE DA CORUÑA, A UNIVERSIDADE DE SANTIAGO DE COMPOSTELA E A UNIVERSIDADE DE VIGO PARA REALIZAR PRÁCTICAS ACADÉMICAS EXTERNAS, DO ESTUDANTADO DE TODOS OS MESTRADOS INTERUNIVERSITARIOS DE HUMANIDADES DO SISTEMA UNIVERSITARIO DE GALICIA, NO CENTRO RAMÓN PIÑEIRO PARA A INVESTIGACIÓN EN HUMANIDADES.

REUNIDOS:

Dunha parte, José López Campos, conselleiro de Cultura, Lingua e Xuventude que, en virtude do seu nomeamento a través do Decreto 44/2024, do 14 de abril (DOG núm. 73, do 14 de abril) actúa de conformidade coas facultades que lle atribúe o artigo 34 da Lei 1/1983, do 22 de febreiro, de normas reguladoras da Xunta e da súa Presidencia, modificada pola Lei 11/1988, do 20 de outubro e pola Lei 12/2007, do 27 de xullo.

Don Ricardo José Cao Abad, reitor magnífico da Universidade da Coruña, que actúa, en nome e representación desta entidade e en virtude do nomeamento como reitor segundo o Decreto 1/2024, do 11 de xaneiro (DOG do 15 de xaneiro), de acordo coas competencias que lle outorgan o artigo 50 da Lei Orgánica 2/2023, de 22 de marzo, do Sistema Universitario e o artigo 36.1.f) dos Estatutos da Universidade da Coruña aprobados polo Decreto 101/2004, do 13 de maio, (DOG do 26 de maio) e modificados polo Decreto 194/2007, do 11 de outubro (DOG do 17 do outubro).

Don Antonio López Díaz, reitor magnífico da Universidade de Santiago de Compostela, que actúa en nome e en representación desta entidade en virtude do nomeamento como reitor segundo o Decreto 35/2022, do 17 de marzo (DOG nº 56, de 22 de marzo de 2022), de acordo coas competencias que lle outorgan o artigo 50 da Lei Orgánica 2/2023, de 22 de marzo, do Sistema Universitario e o Decreto 14/2014, do 30 de xaneiro, polo que se aproban os Estatutos da Universidade de Santiago de Compostela.

Don Manuel Joaquín Reigosa Roger, reitor magnífico da Universidade de Vigo, que actúa tamén en nome e en representación desta entidade en virtude do nomeamento como reitor segundo o Decreto 110/2022, de 9 de xuño (DOG nº 117, do 20 de xuño de 2022), de acordo coas competencias que lle outorgan o artigo 50 da Lei Orgánica 2/2023, de 22 de marzo, do Sistema Universitario e o artigo 29 dos Estatutos da Universidade de Vigo, aprobados polo Decreto 13/2019 do 24 de xaneiro (DOG do 22 de febreiro).



As partes teñen plena capacidade para levar adiante o presente convenio de cooperación educativa e

EXPOÑEN:

1. Que a adecuación dos programas educativos ás necesidades do mundo empresarial constitúe unha das preocupacións das universidades galegas.
2. Que o complemento para formar o estudantado supón o coñecemento da realidade empresarial no ámbito das ensinanzas teóricas impartidas é un dos obxectivos que as universidades do Sistema Universitario de Galicia consideran de maior importancia.
3. Que todas as partes consideran necesario un maior achegamento entre o ámbito empresarial e as universidades, co obxecto de facilitar a futura inserción laboral dos universitarios e universitarias mediante a alternancia da súa formación teórica con prácticas de empresa, para acadar o mesmo tempo a mellor cualificación e a futura adaptación aos postos de traballo demandados polas empresas.
4. Todo iso evidencia a necesidade dun convenio que enmarque a cooperación educativa entre as entidades asinantes e delimite as garantías recíprocas do estudantado e das empresas ou institucións colaboradoras no desenvolvemento do período de prácticas.

Polo anteriormente exposto, acordan asinar este convenio de colaboración que se rexerá polas seguintes

ESTIPULACIÓNS

Primeira. Obxecto

O presente convenio ten por obxecto establecer un marco de colaboración entre as partes asinantes, co fin de levar a cabo conxuntamente a formación práctica externa do estudantado no campo propio de calquera dos mestrados interuniversitarios do Sistema Universitario de Galicia (en adiante, SUG), e que se realizarán nas instalacións do Centro Ramón Piñeiro para a Investigación en Humanidades (en diante, CRPIH).

As partes asinantes acordan establecer un programa recíproco para a realización de prácticas, así como achegar persoas expertas para impartir a docencia teórico-práctica especializada que fose precisa.

A través do presente convenio fíxanse as pautas e os mecanismos de colaboración entre as partes coa finalidade de establecer unha adecuada programación,





desenvolvemento e verificación da colaboración que se materializará mediante a sinatura dos correspondentes proxectos formativos acordados entre as universidades, e que serán asinados pola persoa titora académica que designe a universidade de orixe, a que designe a entidade colaboradora e o/a estudante en prácticas.

Segunda. Convocatoria e oferta de prácticas

As prácticas convocaranse por cada unha das universidades de orixe segundo a normativa de prácticas respectiva. A oferta concreta de prazas será determinada por acordo dos órganos con competencias en cada unha das universidades de conformidade coa proposta das entidades colaboradoras, e establecerase como criterio xeral que a oferta sexa equilibrada entre as tres universidades.

Poderá participar nas prácticas o alumnado do mestrado interuniversitario do SUG para o que se ofrezan. A realización efectiva das prácticas poderá exceder o período ordinario do curso académico respectando o límite establecido por cada universidade.

Terceira. Duración e horario das prácticas, réxime de permisos e condicións de resolución anticipada das prácticas

1. A duración das prácticas será a seguinte:

a) As prácticas externas curriculares terán a duración establecida no plan de estudos correspondente e, antes de inicialas, o/a estudante ten que estar matriculado/a e non ter depositado o título, nos termos establecidos polo artigo 14.5 do Real Decreto 822/2021 do 28 de setembro, polo que se establece a organización das ensinanza universitarias e do procedemento de aseguranza da súa calidade.

b) As prácticas externas extracurriculares terán unha duración non superior ao cincuenta por cento do curso académico, e axustarase en todo caso á normativa da universidade de orixe.

2. Os horarios de realización das prácticas estableceranse de acordo coas súas características e coa dispoñibilidade da entidade colaboradora. Deberán ser compatibles coa actividade académica, formativa e de representación e participación desenvolvida polo/a estudante na universidade de orixe.

3. O réxime de permisos acordarase entre a entidade colaboradora e cada estudante, e deberá adaptarse ás normas que a universidade de orixe poida establecer. En todo caso, respectaranse por parte da entidade colaboradora as



obrigas derivadas do cumprimento da actividade académica e formativa, así como de representación e de participación do alumnado.

4. O/A estudante que incumpra as actividades definidas no proxecto formativo ou as directrices marcadas pola persoa titora da entidade colaboradora poderá ser excluído das prácticas académicas. Neste caso, a entidade colaboradora comunicarlle á universidade de orixe esta circunstancia e, de común acordo, ambas as entidades darán por finalizada anticipadamente a realización da práctica externa coa perda dos dereitos formativos e, no seu caso, económicos que lle correspondesen á persoa beneficiaria.

No caso de que as prácticas na entidade colaboradora non se axusten ao acordado coa coordinación do título, poderá ser motivo de rescisión delas. Nestes casos, a comisión de seguimento ou o órgano competente ofrecerá unha solución para completar o período que lle reste ao/a estudante para finalizar as prácticas.

Así mesmo, cada estudante en prácticas poderá, por causas xustificadas, solicitar a renuncia a elas, o que resolverá a vicerreitoría ou o órgano con competencias na materia de prácticas académicas externas na universidade de orixe.

Cuarta. Proxecto formativo das prácticas

O proxecto formativo en que se concretará a realización das prácticas académicas externas fixará os obxectivos educativos e as actividades que se vaian desenvolver.

Os obxectivos estableceranse considerando as competencias básicas, xenéricas, específicas e transversais que debe adquirir cada estudante. Así mesmo, os contidos das prácticas definiranse de forma que aseguren a relación directa das competencias adquiridas cos estudos cursados.

Este proxecto formativo reflectirase nos modelos que ao respecto da formalización da práctica teña a universidade de orixe do/a estudante en prácticas.

Quinta. Vinculación do alumnado en prácticas coa entidade colaboradora

1. A relación do alumnado en prácticas coa entidade colaboradora non terá en ningún caso carácter laboral e, polo tanto, non se poderá acoller a ningunha modalidade contractual laboral das previstas no Estatuto dos Traballadores.

2. As actividades estarán sempre orientadas á aprendizaxe, polo que o alumnado en prácticas non poderá realizar tarefas de responsabilidade na entidade colaboradora, nin as propias e exclusivas do seu persoal.

3. A entidade colaboradora non poderá cubrir co/a estudante en prácticas ningún posto de traballo, nin sequera con carácter eventual ou interino.





4. Durante o período de prácticas o alumnado non poderá manter ningunha relación contractual coa empresa, institución ou entidade pública ou privada ou coa propia universidade na que se vaian realizar as prácticas, salvo autorización conforme á normativa interna de cada universidade.

Sexta. Aseguramento do alumnado e responsabilidade civil

1. A realización de prácticas académicas externas estará cuberta polo seguro escolar, sempre que se realizaren en territorio nacional. A cobertura para o alumnado maior de 28 anos rexerase polo establecido en cada universidade.

2. Os danos a terceiros como consecuencia da realización de prácticas académicas externas do/a estudante estarán cubertos polo seguro de responsabilidade civil da universidade de orixe.

Non obstante, no caso de prácticas en que concorran riscos excepcionais ou outras circunstancias, poderán contratarse seguros adicionais cuxo custo correrá pola conta do/a estudante.

Sétima. Inclusión no sistema da Seguridade Social do alumnado que realice prácticas externas baixo a aplicación do presente convenio

1. A inclusión no réxime xeral da Seguridade Social do estudantado que realice prácticas académicas externas rexerase polo establecido na disposición adicional quincuaxésima segunda do Texto Refundido da Lei Xeral da Seguridade Social introducida polo artigo único, parágrafo 34, do Real Decreto 2/2023, do 16 de marzo, e polo desenvolvemento normativo establecido pola Tesouraría Xeral da Seguridade Social. A realización de prácticas externas curriculares ao amparo do presente convenio determinará a inclusión no sistema da Seguridade Social das persoas que as realicen, que quedarán comprendidas como asimiladas a traballadores por conta allea no Réxime Xeral da Seguridade Social.

Neste caso, ao se tratar de prácticas de mestrado e títulos propios non remuneradas, a responsabilidade do cumprimento das obrigas en materia de Seguridade Social será das Universidades que subscriben este convenio.

UNIVERSIDADE DA CORUÑA

Das prácticas externas curriculares e extracurriculares non se derivarán os deberes propios dun contrato laboral e tampouco terán ningunha dotación económica obrigatoria por parte da entidade, aínda que se poderá prever unha asignación para o alumnado en concepto de bolsa ou axuda ao estudo. Neste caso, UDC deberá dar de alta na Seguridade Social o alumnado e cotizar por el nos termos previstos polo



Real decreto-lei 2/2023, de 16 de marzo, de medidas urxentes para a ampliación de dereitos dos pensionistas, a redución da brecha de xénero e o establecemento dun novo marco de sustentabilidade do sistema público de pensións e a normativa que o desenvolva, sen prexuízo de que poidan ser asumidas pola FUAC (Fundación Universidade da Coruña), medio propio e servizo técnico da UDC, ou outras entidades que teñen tal condición.

No caso das prácticas externas non remuneradas, a UDC asumirá a cotización e a tramitación da alta dos estudantes en tanto se manteña en vigor a Disposición Adicional 52ª do Texto Refundido da Lei Xeral da Seguridade Social introducida polo artigo único, parágrafo 34, do Real Decreto-Lei 2/2023, de 16 de marzo.

UNIVERSIDADE DE SANTIAGO DE COMPOSTELA

No caso das prácticas non remuneradas e para o alumnado de orixe desta universidade, o cumprimento das obrigas da Seguridade Social corresponderá á USC, que asumirá a condición de empresario e deberá comunicar os días efectivos de prácticas a partir da información que lle facilite o CRPIH.

No caso das prácticas remuneradas, o cumprimento das obrigas de Seguridade Social corresponderá á entidade ou organismo que financie o programa de formación, neste caso a USC, que asumirá para estes efectos a condición de empresario.

UNIVERSIDADE DE VIGO

En relación coas entidades responsables do cumprimento das obrigas en materia de Seguridade Social e para o alumnado de orixe desta universidade:

– No caso das prácticas curriculares non remuneradas: a responsabilidade do cumprimento das obrigas en materia de Seguridade Social será da universidade.

2. A Universidade de orixe garantirá o cumprimento do establecido no punto anterior para os alumnos/alumnas que, en base a este convenio, sexan autorizados polo CRPIH para a realización de prácticas nas súas instalacións.

3. Esta cláusula será de aplicación para todo o alumnado que realice prácticas externas ao amparo deste convenio a partir da súas sinatura.

Oitava. Dereitos e deberes do alumnado

O alumnado en prácticas terá dereito a contar cunha persoa titora externa na entidade colaboradora e outra, como titora académica, da universidade de orixe.

O alumnado en prácticas terá dereito a:



a) Ser avaliado no desenvolvemento das súas actividades, segundo o establecido no programa. A avaliación referirase á consecución dos obxectivos de formación, que serán coñecidos pola persoa titora externa. O alumnado terá dereito a coñecer os criterios de avaliación.

b) A imputación dos créditos cursados para os efectos de finalización de estudos no caso das prácticas curriculares, sempre que contén coa avaliación positiva do seu período de prácticas. No caso das prácticas extracurriculares, dereito a que a universidade de orixe acredite as prácticas realizadas e as faga constar no expediente e no SET sempre que contén coa avaliación positiva e se realicen antes de rematar os estudos.

c) A expedición, por parte da persoa titora da entidade colaboradora, unha vez finalizado o período de prácticas con avaliación positiva, dunha certificación con mención expresa do nivel acadado na realización das prácticas, con indicación da especialidade á que estivo orientada a súa formación, de ser o caso.

d) A propiedade intelectual e industrial nos termos establecidos na lexislación reguladora da materia.

e) Recibir, por parte da entidade colaboradora, información da normativa de seguridade e de prevención de riscos laborais.

f) Cumprir coa súa actividade académica, formativa e de representación e participación, tras comunicarllo con antelación suficiente á entidade colaboradora.

g) Conciliar, no caso de estudantes con discapacidade, a realización das prácticas coas actividades e situacións persoais derivadas ou conectadas coa situación de discapacidade.

h) Outros dereitos previstos na normativa vixente.

Así mesmo, terán os dereitos establecidos no Real decreto 592/2014, do 11 de xullo, polo que se regulan as prácticas académicas externas dos estudantes universitarios, no Real decreto 1791/2010, do 30 de decembro, polo que se aproba o Estatuto do estudante universitario, e nos Estatutos da Universidade de Santiago de Compostela, da Universidade de Vigo e da Universidade da Coruña.

Durante o período de prácticas, o alumnado deberá desenvolver o proxecto formativo e elaborar unha memoria final e, de ser o caso, un informe intermedio.

Con relación á entidade colaboradora en que se desenvolven as prácticas, os/as estudantes deberán:



- a) Incorporarse na data acordada e cumprir o horario previsto no proxecto formativo.
- b) Cumprir e respectar o sistema organizativo da entidade colaboradora.
- c) Gardar o debido sexilo respecto dos asuntos que coñezan na súa tarefa.
- d) Cumprir e respectar as normas de seguridade e de prevención de riscos laborais da entidade colaboradora.
- e) Cumprir con dilixencia e boa fe as actividades acordadas coa entidade colaboradora.
- f) Calquera outro deber previsto na normativa vixente.

O alumnado de prácticas curriculares estará obrigado a realizar a totalidade de créditos dos que estean matriculados de acordo co establecido no plan de estudos para obter o recoñecemento académico.

O incumprimento das súas obrigas poderá determinar a perda automática dos seus dereitos como estudante en prácticas sen prexuízo das accións disciplinarias que procedan.

Novena. Titorización das prácticas

A cada estudante asignaráselle unha persoa titora académica que será docente da titulación e designada pola universidade de orixe para cada práctica ofertada, coa misión de facer un seguimento máis directo desta, darlles resposta ás expectativas formativas establecidas, asegurar o seu correcto desenvolvemento e avalialo de acordo co proxecto formativo e o programa ou guía docente da materia. Esta persoa titora tamén será responsable de avaliar o alumnado en prácticas externas curriculares conforme os criterios de avaliación fixados e segundo o procedemento de avaliación establecido pola universidade de orixe.

Cada estudante contará tamén cun titor/a externo/a na entidade colaboradora, que será responsable de aplicar o plan de formación previsto e de elaborar os informes de valoración que lle soliciten sobre o traballo desenvolvido polo/a estudante.

Décima. Dereitos e obrigas das persoas titoras

A. O titor/a externo/a da entidade colaboradora terá dereito a:

- 1. O recoñecemento da súa actividade colaboradora por parte da universidade por solicitude das persoas interesadas.
- 2. Ser informado sobre o regulamento de prácticas académicas externas.





3. Ser informado sobre o proxecto formativo e as condicións do seu desenvolvemento.

4. Obter a información e o apoio necesarios para cumprir os fins propios da súa función.

B. O tutor/a externo da entidade colaboradora terá os seguintes deberes:

1. Acolloer o/a estudante e organizar a actividade que se desenvolverá consonte o establecido no proxecto formativo.

2. Supervisar as súas actividades, orientar e controlar o desenvolvemento da práctica cunha relación baseada no respecto mutuo e no compromiso coa aprendizaxe.

3. Informar o/a estudante da organización e do funcionamento da entidade e da normativa de interese, especialmente a relativa á seguridade e aos riscos laborais.

4. Coordinar co tutor/a académico da universidade de orixe o desenvolvemento das actividades establecidas no convenio que deberán ter en conta:

- As modificacións do plan formativo que poidan ser necesarias para desenvolver a práctica.
- A comunicación e a resolución das incidencias que puidesen xurdir.
- O control de permisos para realizar exames ou outro tipo de actividades de carácter académico.

5. Emitir o informe final e, de ser o caso, o informe intermedio.

6. Proporcionar a formación complementaria que precise o/a estudante para realizar as prácticas.

7. Proporcionarlle ao/á estudante os medios materiais indispensables para desenvolver as prácticas.

8. Facilitar e estimular a achega de propostas de innovación, mellora e emprendemento por parte do/a estudante.

9. Facilitarlle ao tutor/a académico da universidade o acceso á entidade para cumprir os fins propios da súa función.

10. Gardar confidencialidade en relación con calquera información coñecida do/a estudante como consecuencia da súa actividade como tutor/a.

11. Prestarlle axuda e asistencia ao/á estudante durante a súa estancia na entidade para resolver as cuestións de carácter profesional que poida necesitar no desempeño das actividades que realiza.



C. O tutor/a académico da universidade de orixe terá os seguintes dereitos:

1. Ao recoñecemento efectivo da súa actividade académica, sen que do devandito recoñecemento se poidan derivar en ningún caso efectos retributivos específicos.
2. A ser informado verbo do regulamento de prácticas académicas externas, así como do proxecto formativo e das condicións baixo as que se desenvolverá a estancia do/a estudante que debe tutelar.
3. A ter acceso á entidade colaboradora para cumprir os fins propios da súa función.

D. O tutor/a académico da universidade de orixe terá os seguintes deberes:

1. Velar polo normal desenvolvemento do proxecto formativo, garantindo a compatibilidade do horario das prácticas coas obrigas académicas, formativas, de representación e participación do/a estudante.
2. Facer un seguimento efectivo das prácticas en coordinación co tutor/a externo da entidade colaboradora, e vistos os informes de seguimento, no seu caso.
3. Autorizar as modificacións que se produzan no proxecto formativo.
4. Avaliar as prácticas do/a estudante tutorizado de acordo co establecido no regulamento de prácticas académicas externas da universidade de orixe.
5. Gardar confidencialidade sobre a información coñecida como consecuencia da súa actividade como tutor/a.
6. Informar o/a responsable das prácticas académicas externas na universidade de orixe das posibles incidencias xurdidas.
7. Supervisar e, de ser o caso, solicitar a adecuada disposición dos recursos de apoio necesarios para asegurar que os/as estudantes con discapacidade realicen as súas prácticas en condicións de igualdade de oportunidades, non discriminación e accesibilidade universal.

Décimo primeira. Memoria das prácticas

Ao rematar o período de prácticas cada estudante deberá realizar, polo menos, unha memoria final sobre o traballo desenvolvido e entregarlle ao tutor/a académico. O seu contido mínimo axustarase ao establecido no regulamento de prácticas académicas externas da universidade de orixe.

Décimo segunda. Procedemento de avaliación

O tutor/a académico, á vista do informe do tutor/a externo da entidade colaboradora e da memoria final do/a estudante, avaliará as prácticas desenvolvidas cubrindo o correspondente informe de valoración.





Décimo terceira. Certificación da entidade colaboradora

No caso de que a avaliación da memoria e o informe de actuación do/a estudante sexan favorables, a entidade colaboradora emitirá para cada estudante unha certificación en que debe constar o tempo de colaboración, actividades, traballos, investigacións etc., realizados nela.

A certificación deberá especificar que carecerá de efectos académicos e quedará supeditada á avaliación que realice a universidade de orixe das prácticas.

Décimo cuarta. Efectos das prácticas

A realización das prácticas curriculares polo alumnado computará para obter os títulos correspondentes co carácter establecido no plan de estudos.

No caso das prácticas extracurriculares, estas non formarán parte do plan de estudos, pero figurarán no expediente e no Suplemento Europeo ao Título, sempre que se realizen antes de finalizar os estudos.

Décimo quinta. Protección de datos

As partes comprométense a tratar os datos persoais necesarios para executar o presente convenio de conformidade co disposto no Regulamento (UE) 2016/679, do Parlamento Europeo e do Consello, do 27 de abril de 2016, relativo á protección de datos das persoas físicas no que respecta ao tratamento de datos persoais e á libre circulación destes datos (RXPd), e na Lei orgánica 3/2018, do 5 de decembro, de protección de datos persoais e garantía dos dereitos dixitais (LOPDGDD), así como co resto da lexislación española aplicable nesta materia.

De conformidade coa lexislación, o alumnado en prácticas que por razón das actividades formativas acceda, en calquera fase do tratamento, a datos de carácter persoal, non lles revelará a persoas alleas á entidade colaboradora ningunha información nin utilizará ou dispoñerá dela con finalidade distinta á esixida polas accións formativas. Esta obriga subsistirá aínda despois de rematar as prácticas e no caso de incumprir o deber de segredo o/a estudante responderá fronte á entidade colaboradora, sen prexuízo das responsabilidades que por igual causa se puidesen derivar ante a Axencia Española de Protección de Datos.

Para tal efecto o/a estudante poderá asinar coa entidade colaboradora un documento en que se obrigue a cumprir o deber de segredo antes citado.

Os ficheiros automatizados en que se sometan a tratamento datos persoais de estudantes, persoal da entidade colaboradora ou outros participantes nos programas de prácticas académicas externas deberán respectar a lexislación e a



normativa da universidade de orixe sobre protección de datos de carácter persoal e aplicar as medidas de seguridade que correspondan.

As partes exonéranse mutuamente de calquera responsabilidade que se xerase polo incumprimento por unha delas das obrigas derivadas da normativa de protección de datos persoais.

Décimo sexta. Comisión de seguimento

Créase unha comisión de seguimento e interpretación do presente convenio integrada, por parte das universidades asinantes, polo vicerreitor ou vicerreitora con competencias en materia de prácticas académicas, ou persoa en quen delegue, e por parte da entidade colaboradora pola persoa que esta designe.

A comisión de seguimento terá as seguintes competencias en relación coas prácticas tuteladas:

1. Resolver os problemas que suscite na súa execución.
2. Interpretar e aplicar, con carácter xeral, as estipulacións deste convenio, así como controlar o seu cumprimento e resolver os conflitos entre as partes.
3. Tomar medidas en relación coas incidencias xurdidas na realización das prácticas, incluída a expulsión de estudantes que incumpran as cláusulas do convenio.

A comisión reunirse cando así o considere necesario calquera das partes.

Décimo sétima. Normas de aplicación supletorias

Á falta de determinación no convenio aplicaranse as seguintes normas:

- I. Lei 40/2015, do 1 de outubro, de Réxime Xurídico do Sector Público (artigos 47 e seguintes).
- II. Real decreto 822/2021, do 28 de setembro, polo que se establece a organización das ensinanza universitarias e do procedemento de aseguranza da súa calidade.
- III. Normativa de prácticas académicas externas da universidade asinante.
- IV. Normativa do plan de estudos de titulación.
- V. Real Decreto 592/2014, de 11 de xullo, polo que se regulan as prácticas académicas dos estudantes universitarios.

Este convenio queda excluído do ámbito de aplicación da Lei 9/2017, de 8 de novembro, de Contratos so Sector Público (artigo 6).



Décimo oitava. Orzamento.

Este convenio non supón ningún custo para o CRPIH, polo que non se precisa consignación orzamentaria.

Décimo novena. Vixencia do convenio

O convenio terá efectos desde a súa sinatura e a súa duración será de catro anos e, en calquera caso, polo tempo que duren as prácticas do alumnado. O convenio poderá prorrogarse de forma expresa para os seguintes catro anos de común acordo polas partes e en tanto non se denuncie expresamente como mínimo con tres meses de antelación.

En todo caso, non se poderá rescindir mentres existan estudantes realizando prácticas.

Vixésima. Resolución do convenio

Serán causas de resolución do convenio:

- a) O mutuo acordo das partes.
- b) O incumprimento das cláusulas contidas nel, logo da reunión da comisión de seguimento.

A denuncia do convenio poderá realizala calquera das partes e comunicarse por escrito coa antelación establecida na cláusula décimo oitava.

Unha vez extinguido o convenio, deberá asegurárselle ao alumnado que está desenvolvendo as actividades formativas obxecto deste acordo, a posibilidade de finalizalas.

Vixésima primeira. Rexistro de Convenios. Transparencia e bo goberno.

A sinatura deste convenio suporá o consentimento expreso do interesado á Administración para incluír e facer públicos os datos referidos ao convenio, de conformidade co artigo 15 da Lei 1/2016, do 18 de xaneiro, de transparencia e bo goberno de Galicia e co Decreto 126/2006, do 20 de xullo, polo que se regula o rexistro de convenios da Xunta de Galicia.

Así mesmo, coa sinatura deste convenio as partes manifestan o seu consentimento para que os seus datos persoais que aparecen no mesmo e mais o resto das especificacións nel contidas poidan ser publicados no Portal da Transparencia e Goberno Aberto.



Vixésimo segunda. Notificación electrónica.

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica).

Vixésimo terceira. Administración electrónica.

As partes asinantes deste convenio respectarán cantas esixencias establece a Lei 4/2019, do 17 de xullo, de administración dixital de Galicia (DOG 26 de xullo de 2019), que será aplicable ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral do sector público autonómico de Galicia, pola Administración xeral e polas entidades instrumentais e, tamén, será aplicable á cidadanía que ten o deber de utilizar os servizos públicos dixitais que se poñan a súa disposición de xeito adecuado, co respecto das normas de uso, xerais ou específicas, que se establezan para cada un dos servizos e, en particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e repectar a normativa en materia de protección de datos de carácter persoal (artigos 2 a) e b) e 7 apartados 1 e 2 respectivamente da citada lei).

Vixésimo cuarta. Xurisdición

As partes comprométense a resolver amigablemente as diferenzas que puidesen xurdir a través da comisión de seguimento.

Non obstante, recoñécese a xurisdición contencioso-administrativa como competente na materia, dada a natureza pública das universidades.



Coa sinatura deste convenio queda derogado calquera outro que coa mesma finalidade asinasen as partes.

En proba de conformidade, as partes asinan o presente convenio na data da última sinatura dixital.

O conselleiro de Cultura, Lingua e
Xuventude

O reitor da Universidade de Santiago
de Compostela

D. José López Campos

D. Antonio López Díaz

O reitor da Universidade de Vigo

O reitor da Universidade da Coruña

D. Manuel Joaquín Reigosa Rogel

D. Ricardo José Cao Abad

